

12¹⁵
3169

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj :065-SU-21-001394
Sarajevo,22.07.2021.godine

23-07-2021
01 04 25258-32-92 / 29

SKUPŠTINA KANTONA SARAJEVO
Na broj 01-04-25258-32/21

Poštovani,

U vezi Vašeg zahtjeva od 09.07.2021. godine za odgovor na inicijativu zastupnice SDA u Skupštini Kantona Sarajevo Smiljane Viteškić obavještavamo Vas da mjesto-trafiku za prodaju obavezne sudske takse osigurava Kantonalno ministarstvo finansija.


Takođe se napominje da se obavezna sudska taksa plaća i na ostala uvjerenja i druge dokaze koje izdaje Sud, a ne samo na zahtjev za izdavanje ZK izvadaka.

Informacije radi u prilogu Vam dostavljamo zahtjev Općinskog suda u Sarajevu broj 065-0-Su-21-001384 od 15.07.2021. godine.

S poštovanjem,



Općinski sud u Sarajevu, Šenoina 1, 71000 Sarajevo, BiH
Tel. 033/567-700; Fax: 033/227-148
Web:www.oss.ba; email:info@oss.ba



Bosna i Hercegovina
Federacija Bosne i Hercegovine
Kanton Sarajevo
Općinski sud u Sarajevu
Broj: 065-0-Su-21-00 1384
Sarajevo, 15.07.2021. godine

FEDERALNO MINISTARSTVO PRAVDE

- **ministar Mato Jozić**

Ministarstvo unutrašnjih poslova KS

- **ministar Admir Katica**

VSTV BiH

- **potpredsjednica Sanela Gorušanović Butigan**
- **direktor Sekretarijata Admir Suljagić**

Regionalna advokatska komora Sarajevo

- **predsjednica Komore Vasvija Vidović**

Notarska komora FBiH

- **predsjednica Anica Nakić**

PREDMET: Elektronsko uvezivanje Općinskog suda u Sarajevu sa nadležnim MUP-om

Poštovani,

Kao što ste ranije informisani, Općinski sud u Sarajevu, kao najveći sud u regionu, se susreće sa problemom nedostatka kapaciteta koji bi bili u mogućnosti da savladaju obaveze koje proizilaze iz propisanih nadležnosti Suda, a u vezi sa zahtjevima građana. Ovaj problem naročito dolazi do izražaja u Zemljišnoknjižnom uredu gdje veliki broj fizičkih i pravnih lica svakodnevno čekaju u redovima tražeći ZK izvadak kako bi mogli ostvariti neka od osnovnih prava, dok Sud, i pored povećanog broja uposlenika u šalter Sali, i pored činjenice da su svi ZK podaci uneseni u elektronsku bazu podataka te samim tim lako dostupni, jednostavno ne može ostvariti zadovoljavajuću efikasnost u tom procesu.

Kao što smo ranije predlagali i više puta pozivali da se ovo pitanje aktualizira, tako i ovaj put Vas molimo da započnete proces povezivanja softvera između ZK softvera i drugih institucija koje od građana zahtjevaju dostavljanje aktualnog ZK izvotka da bi ostvarili svoja prava (MUP-a, federalne poreske uprave i notara kao povjerenika suda), a što bi uveliko riješilo navedeni problem i omogućilo građanima da svoja prava ostvaruju efikasno i bez administrativnih prepreka.

Napominjem da je ovaj prijedlog istican i obrazlagan od strane predsjednice Suda na sastancima sa resornim ministrom, predstavnicima nadležnog MUP-a, advokatima i notarima, te da je istican u svim sredstvima informisanja, sve u cilju obavještanja javnosti. Međutim, do sada nije bilo nikakve reakcije niti odgovora od strane nadležnih institucija.

Ponovo napominjem da je stupanjem na snagu Izmjena i dopuna Zakona o prebivalištu i boravištu građana BiH ("Službeni glasnik Bosne i Hercegovine", br. 32/2001, 56/2008 i 58/2015/ odredbom člana 8. propisano je da su, u postupku prijavljivanja prebivališta i adrese stanovanja, državljani dužni

da prilože dokaz da imaju valjan osnov za prebivalište na adresi na kojoj se prijavljuju, a isto se dokazuje zk izvatkom. Stupanjem na snagu ovih zakonskih odredaba 60% je povećan broj zahtjeva za izdavanje ZK izvadaka na godišnjem nivou i što je već 5 godina dovelo do velikih gužvi u Zemljišno-knjižnom uredu Općinskog suda u Sarajevu.

U cilju ostvarivanja navedenog prava veliki broj građana svakodnevno dolazi u ZK Ured da izvade zk izvadak, nakon toga idu da kupe obaveznu sudsku taksu koju obezbjeđuje Kantonalno ministarstvo finansija, i koja je trafika u pravilu udaljena od zgrade Suda, nakon čega ponovo dolazi u ZK Ured i sa dokazom ide u MUP-a rad vađenja identifikacionog dokumenta.


Isti slučaj je prilikom prijave poreza kod Poreznih uprava.

Za čekanje pred Sudom, građani problem vide u pravosudnoj instituciji, a ne u zakonodavcu i nadležnim ministarstvima.

Imajući u vidu naprijed navedeno, ponovo ističem da je potrebno da sve relevantne institucije, u što kraćem roku pristupe osiguravanju potrebnih administrativnih, tehničkih i ostalih preduslova koji su neophodni za uvezivanje Zemljišno-knjižnog ureda Općinskog suda u Sarajevu sa Ministarstvom unutrašnjih poslova Kantona Sarajevo, za što je prošao rok od 5 godina kako je regulisano Izmjena i dopuna Zakona o prebivalištu i boravištu građana BiH, a nakon toga da se nastaviti aktivnosti i elektronski da se poveže ZK Ured sa poreznim upravama i Notarskom komorom.

Smatramo da bi se jedino na ovaj način, smanjile gužve u Zemljišno-knjižnom uredu ovog Suda a građanima omogućeno brže izdavanje ličnih dokumenata, poreznih prijava i brže rješavanje ostavinskih postupaka, a advokatima i privrednim komorama bi bio omogućen brži pristup Sudu.

S poštovanjem,


PREDSJEDNICA SUDA
Janja Jovanovic